



Лит. бр. Бо оштина...

Поштарина плаћена у готовом

# РУСКИ НОВИНИ

ЗА РУСИНОХ У КРАЉОВИНИ СХС

Виходза раз у тижню.

Цена на цали рок 100 Динари.  
На 1/2 рока 50 Динари.  
За Америку 4 долари на рок

Рукописи и други писма треба  
посилац на адресу:  
„РУСКИ НОВИНИ“ НОВИ САД  
Бојовићева улица број 2.

Претплату на РУСКЕ-НАРОДНЕ  
ПРОСВИТНЕ ДРУЖТВО, РУСКИ  
КРСТУР (Бачка).

Рок IV. | Нови Сад, пяток 2. септембар 1927. | Ч. 34 (141)

## ВИРА, ТЕМЕЉ РУСКЕЈ ОРГАНИЗАЦИЈИ

Прави Русин — не може буц, хто не грекокатолик.

Кед ми то видзимо, за цо нам шведоча не лем нашо панотцове, як би то ше могол дахто усудзиц повесц, але вики и вики у прешлосци. Вони нам шведоча, же наша вира стајомна, непоколебима, неборима, создана на каменю, котри побидоносно патри на нещесни конец својх неприятельох — та чи годни зме лем прејсц коло такеј еднеј институциј, котрей зме члени, як — цо то церква?! Па чи би не бул нерозумни муляр, котри ма збудовац вични храм, кед би за будовню не вжал мрамор але на слунку печену вальку?! Не були би и ми тому подобни, кед би зме у даяким нещесцу вжали за темель својей роботи не першей класи мрамор, котри нам дава наша церква у својх совершенствох, у својх залогох вичносци, але даяку подлу вальку, цо ю видумал людски мозок?!

Здогадајме ше лем, яки судьби провадзели вшеліяки дружтва. Не треба нам исц далеко до прешлосци. Подумајме лем на предвоєни держави. Яки то були силни и моцни дружтва, а якого були вику една кратшого, друга длугошого. Каждеј пришол конец зоз запущованьом християньско-го живота; каждеј пришол конец пре непоштване еј членох и водьох. А тото непоштване вишло од там, же ше запущовала вира, же ше не робело по вири и увереню. Дотля лем обставала кажда держава и кажде дружтво, док ше тримало својого моцного темеля, на котрим шицко почивало, а кед ше од нього одступело, такой бул и конец запечатовани...

Не будзем ту тераз на подробно приповедац. Приклади ест за то одвише ясни, а у недалекеј су прешлосци.

Так то у других народносцох н. пр. у Немцох, Французох, Енглезох и др. Шицки мудри державникове, котри сцели праве напредоване у держави развиц, брали за својо основни принципи вирски принципи. И нешка ше у Ирскеј дичи парламент с тим, же кажде својо засидане почина зоз молитву. А хто би ше усудзел доказовац, же Ирска не найушоренша и найсвидомнейша держава, а Ирци же не найоданши синове не лем својей церкви, але и держави?!

Не шмеме ані ми мала гарсточка Русинох у СХС одбиц од себе виру, але, кед сцеме праве добро держави и својей нациј, мушме свој живот у организациј цалком ушориц по принципох нашеј грекокатолицкеј вири, котра нам у таким морю очувала нашу нагодносц и ми не лем же зме не скапали и назадовали, гоч би нас сцел дахто мрачняками назвац, бо нам до тераз вше еше панотцове предок водзели, але ше, правда сцеха, бо нас мало ест, дзвигаме и здоганяме других.

Але не лем, же принципи нашеј вири найздравиши и наймоцнейши, цо на нїх мож дзвигац организациј и дружтва, але вони еше и з нашу народносцу так узко повязани, же не може оддзелиц Русина од його вири. Зато ми млади Русини, котри ше тераз организуеме не шмеме одруциц својо виру як найздравиши принципи, на котрих можу дружтва обставац, а не шмеме ю занедзбац, ані прето, же сцеме буц прави

Русини, бо права рускосц по нашим понятю нужно шлїдуе грекокат. вира и чува ю, же би не страцела свою народносц.

Попри вири муши нам буц початна точка нашого дійствованя наша руска народносц. Бо як-цо ма кажде ростение свою фарбу, так ма у людским роду кажди человек свою народносц, по котрей ше розликуе од другого, котри припада другей народносци. Прето ми мушме вжац еден темель нашеј организациј и мушме тому темелю дац едну фарбу.

А дзе-же найдземе моцнейши темель нашеј организациј, як у принципох вири?! Хтори би нам темель бул твардейши и тирвацейши од вири, котра уж два тисячи роки преживуе шицких својх неприятельох?! Хтори принципи вредза так за шицки часи, як то вредза вирски?! А гоч ше у самим членству вирскеј организациј и сами члени вельораз трудзели и мучели, же би у-

нічтожели принципи вири, глави својо на тих принципох понічтожели, а сами принципи тим у яснейшим шветле зашвицели! Исти тоти принципи, цо су поставени пред двома тисячороками и нешка су еднак современи, незастарени, и до нешка су источником, котри не пресиха, ані не пресохне, док постої вичносц!

Та чи да прејдземе тераз, кед зме започали основац свою организацию коло вири и народносци, а да их не вежнеме за темель својей организациј, својей роботи Русинох?!

Ми Русини за Русинох робиц сцеме, свою рускосц дакле чувац маме, а вири, котра у узким звязу зоз Русином, ше тримац мушме, бо да не вона, нашеј рускеј бешеди би уж давно не було!

Необорими будзе наш Русин, як цо и його вира; неборима будзе и наша организација, кед будзе на темелю вири и народносци.  
М. Буила.

## У нашцм отечеству

### Политическе положеніе

Ро шицких крайох отримую својо полит. збори шицки партиї. Особено ше обачуе велька борба пашицевцох проци нешкайшей влади, бо су у опасносци, да не буду избрати. Попосую ше на терор В. Вукичевича а заш немаю шмелосци, да го виключа зос радикалней партиї, гоч у главним одбору пашицевци маю векшину. И главни Одбор наисце тримал засиданіе и радзел ше яке становище завежне гу влади. Медзитим влади не стало до того цо одредзи главни одбор, бо по виберанкох и так шицки радикали буду при тим хто будзе мац власц.

В недзелю отримали збори Др. Корошец у Лютомеру, Маринкович у Нишу, Трифкович у Банялуки, Радонич у Суботици, Янїч у Сриме, Прибичевич у Пожеги и т. д.

### Учителе за својо права

Министерія одредзела, да шицки учителе маю право на огриву и на кварталъ а не лем управителе школах як то до тераз дагдзе толковали. У поединих валалох було найвещей звади над тим. Учителе ше поносовали до Министеріи и достали својо право.

### Валалски виберанки у Войводини

По вистох маю ше окончни валалски виберанки у Войводини у мешац новембру. Наредзене о тим обяви ше тих дньох у Службених новинох.

### Шицки му виновати

У Суботици заштрелел ше якиш Марко Терзин, званичник, котри и шверцовал койцо зос

Мацарскей и зохабел вельо безобразни писма, на каждого нашого политичара. Так вон пише министром Вукічевичу, Маринковичу, Суботичу и так шором, а у каждом гвари, же вони виновати його нещесцу.

## Непогоди у Херцеговини

По велькей горучави пришла хладнота. У Херцеговини спушел ше ляд и велька буря зробела чкоди. При Мостару звалела два хйжи и едно дзецко рането.

## Влапени шверцер сахарину

Полиция у Београду влапела одного агента немецкей фирми, котри шверцовал сахарин за нашу державу, Греческу и Турску. Сахарин доношели по крадзми до Старей Павови мадарски кондуктере, а вец од таль го розношели агенти по цалей жеми. Сахарин бул у фарби а вредносц його виношуе 40 тисячи дин. Кара, котру шверцер муши плациц будзе 4 милиони дин.

## Вистава у Загребу

В недзелю отворена индустрийска и газдовска вистава у Загребу. Особено прицагую патрительох нови млински и газдовски машини. Вистава будзе отворена до 5. септембра.

## Спаднул зос крилатици

На пондзелок робели пробн крилатичаре при Земуну и спушовали ше на падобранох зос 800 метери високосци. Троме крилатичаре ше спушели

шорово, бо ше им падобрани отворели шорово, але наредникови Доминичови не отворел ше падобран и вон спаднул зос 800 метерох на жем и на месту остал мертвий.

## Жвирство Радичевцох

У валале Чучере при Загребу двома политически прихильници Радича забилн свойого сушеда Талана, котри бул пучкей партия. Вони му звязали ноги коло ши и так го котуляли док человек у страшних мукох не умар. Одвнчательносц за то ноши большевик Радич, котри видал розказ своим людзом, да медзи собу не церпя ніякого, хто припада другей даякей партия крем радичевей.

## Добре наредзене министра саобрачаю

Министер саобрачаю генерал Милосавлевич видал наредзене, же железнички званічници нешму участвовац у политических агитацйох, але ше маю старац о тим, да наша железници цо точнейше иду.

## Преслава ювилея св. Франциска

Тих дньох у Сараеву преславени ювилей велького препородителя человекого дружба св. Франциска, котри основал Франевски ред. Чийо члени барз вельо доброго зробели за виру и народ. У теї слави участвовало коло 40.000 людзох и заступници шицких просвительних организацйох.

св. Кирила и Методія, вони прийшли до Велеграду зос Цариграду у 9 столітїю бац у тим часу, кед наемник Фотій започал отаргвац Церкву на Востоку од Римского Престола. Фотій умар, але куколь, котри вон пошлал на Востоку, принес свойо плоди. Цо Фотій започал у 9 столітїю, то Керуларій, патриарх Цариградскій, докончел у 11. столітїю. Вон одорвал Церкву на Востоку од Римского Престола. Престала єдносц у Церкви Христовей, за котру ше Исус Христос пред свою шмерцу так сердечне моделл: „Отче святы, захрань их, да шицки буду єдно, як цо и ми єдно...“

Римски Архїєрес не престали приволовац отзелених христїанох на Востоку од Петрового Престола, най ше враца назад и най жию у єдносци, так як жили у єдносци зос Римом їх дїдове и прадїдове од початку Церкви до єденастого столітїя. Сам Господь Исус Христос жада, да шицки христїане буду зєдинени. Тото жадане Христа Господа старали ше виполнїц особено вельки Архїєрес Римски, котри жили у 11. и 20 столітїю. На тото намирєнє зшїол ше и пята конгрес у Велеграду и траял 4 днї - од 20—24. юла

Позберали ше на тот конгрес 18 владыковє и коло 500 священїковє и богослови а и свїтски учени людзе зос шицких странох швета. Було ту людзох не лем в наших странах, але и зос Америки, Африки, Италиї, Францускей, Англиї, Шпаниї и т. д. и т. д. През 4 днї од 4—9 годзини рано служели ше Служби Божї у церквох. Од 9—12 и од 3—6 тримали ше засиданя на латинским язикѹ о тих правдох св. вири, котри дзела нас од несєвдинєних. — Каждого дня о 6 годзини зберали зме ше у велькей Церкви и там зме ше моделли Исусу Христу у Найсвятїйшей Евхаристїи, да чим скорей повраци на обятїя святей Церкви шицких отзелених христїанох, котри уж тельо столітїя жию поза Церкву Христову.

З наших владыкох бул на тим

конгресу митрополит Шептицки, котри бул вибрани за председателя, потим владыка з Перемїяжа Коциловски зос своим помічником Лакотом и наш владыка. — З нашей держави там буди надбискупове зос Загребу и Београду.

Дня 25. вїездзелю рано закончел ше Конгрес. — По закончєню Конгреса отримовала ше найперше Процесия з найсвятїйшими Тайнами, а потим Академия Католїцких Органїзацїйох. У Чехо-Словакиї преєкрасно ше розвиваю „Орли“. Вони и ту прийшли привитац Конгресистох зос шицких странох швета. Владыковє їм отвітывали у шицких Славянских язикох.

И ту зме себе у шерї жадали, да ше и наша млада легїє а и дзивки чим скорей организує и да буду „Орли“.

## Пошвєцованє Велеграду

Дня 21. юла служел Митрополит Шептицки зос Пряшовским и Ужгородским владыком торжєствену архїєрейску Службу Божу. На хорѹ преєкрасно шпивала гармонїя зос Ужгороду. При теї Служби Божї прийл чин дїякона у Римѹ окончєнї богослов з Пряшовскей епархиї, др. Грицишак. То перши богослов з Пряшовскей епархиї, котри окончел у Римѹ. До Римѹ го послал наш владыка, кед управлял и зос Пряшовску епархию.

Того истого богослова пошвєцел наш владыка за священїка дна 25. юла. То бизовно перши наш священїк, котри по шмерци св. Методія прийл Тайну священства на Велеграду.

Але чуйце ище за єдно другє пошвєченє.

Дня 23. юла подзелел наш владыка чин поддїякона а богослову нашей епархиї Яким Сєгєдїю. Вон звершава свой богословни науки у Инсбруку. По скончєних екзаментох пришол и вон до Велеграду, да тим ювилейним року примтам чин поддїяконата, и да ви моделї од Христа Господа отвітываю св. Кирила и М

## З драги до Велеграду

Пише: О. Д. Надь, каноник.

### Велеградски конгрес

Того року отримовал ше у Велеграду „пята унїонистични Конгрес“. О чим ше гуторело и

росправляло на тим Конгресѹ? Як читательом Руских Новинох добре познато зос живота

## ФЕЛЬТОН

М. Ковач:

### Дзе, пекло? .....

Радуї ше млади чловеке за младосци своєй, и най це вешелї шерцо твоей док ши млади, и идз кадзи це шерцо водзи и кадзи ци очи патра; але знай же це за шицко тото Бог вивєдє на суд.

(Кнь. проп.)

За досц длугим столом шедзи шлоляр Янко П... Главу штурел медзи дланї и дас пол годзини так шедзи и цошка предумє. Хижа у хторей ше находзи досц є велька и полна зос посцєлями, на хторих слатко шня його пайташе. Вонка уж давно швици

мешачок на чарно белавим небе нїгдє нечуц ані гласа — шицко ушїхло. Дзе кеди дахтори ше пайташ пребудзи пита кельо годзин, обраци ше на други бок и заш зашпи. А Янко шедзи и дума. Уж є школяр VII. класи гимназиї. Шицок му живот виходзи пред очи:

Видзи як го перши раз вєду до школи. З яку вельку дзеку идзе и добре скончує. А тєраз остатнї два роки вше му идзе слабше и слабше. Цо му дома поведа, цо му пове паноец, цо цали швет? И заш идзе з нова и заш глєда причину своєй слабосци.

\* \* \*

Памєта ище барз добре док бул дома як го оец

брал пред себе, випитовал катакиз и учел моделїц.

Памєта добре як му мац наказовала, же муши буц добри, бо кед не будзе та го Бог покаре... Шицко то добре шицко то лем на добру драгу водзи. Але вєцка, кед уж пришол до шкокох, кед охабел родичох и пришол до далекей цудзини цо було вєцка? Ту почина гєвто главне. Ту причина. Пришол ту и було му добре. Але одного дня пришол ту нїм нови профєсор. Перши днї було шицко у своім шоре. Але одного дня под годзину у бєшєди запитал ше вон одного учєнїка:

„Ша чи ти верши, же єст пекло?“

Хлапец ше таргнул, бо до тєраз не чул, же би ше

го дахто таке дацо пита але ипак одгварел не сгурно:

„Верим“.

„Га-га-га... вериш, бизовно вериш? А дзе же то могло буц тото „пекло“

„А... а... а... цо знам; збунєл ше хлапец“

У тим годзина зверше профєсор вишол а Ян почал зос пайташми ргваряц.

„Но чули сє профєсор цо гварел. Я вам уж да приповєдал, же цо до так дачого и верице, ша то лем паноцове приповєда зашала народ.“ Му вал єден.

Ша ти вол шалєни би дакому приповєдал ише, да прилапиш кнї и да виправиш, счого

тодія за себе и за свой руски народ вельки ласки за шницки нашо потреби.

(далей будзе)

ЧИТАЙЦЕ

„РУСКИ НОВИНИ“

## ШИРОМ ШВЕТА

### 9 рочни юнак

Недавно стал ше вельки огонь у главним месце Белгії, котре ше вола Брисел. Єден 9 рочни хлапец почув, же у хижі, цо горела, остало мале дзецко у коліски. Хлапец скочел до огню и за кратки час винєс зос коліски мале дзецко, закручене до заглавка. Сам ше барз попек, а дзецко остало живе и здраве. Тераз тот хлапец лежи у шпитаю и церпезліво зноши свойо рани. Сам министар президент пришол до шпитаю нащивци того малого юнака, а з министром пришли и велі други владини урядїки. Понеже хлапец син убогих родичох, превжала шницки трошки за його лічене держава. (Пр.)

### Тарговина з вайцями

У мешацу априлу вивезли позаграніцу Польскей зос самей восточней Галичині 500 вагони вайца. У кождим вагону було по 70 лади вайцох. Шницкого ведно було 35.000 ладох з вайцями. За кожду ладу плацено за граніцу по 19—20 долари. За шницки тоти лади з вайцями заплачено ніч меней як 700.000 долари, цо по нашим виноши 39.200.000 динари. Чисти походок од тих вайцох виношел 25, по сто, то єст 9.000.000 динари. А до чіей кишени спадли тоти дзевец мільони? Спадли вони до жидовских кишенок. Кельо жидовски дзеци буду виховані лєм з походком за предани вайца єдного мешаца? — А чом то так идзе? Прето так идзе, бо жидзи даваю шницки свойо дзеци до школох и прето, же су учени, знаю хасен побрац з кождей ствари, дзе наш человек

бо стоїш, як да нам „приповедаш“.

Одповедал му други.

„Але я би ипак любел знац, дзе би могло буц то то пекло“. Озвал ше и Янко.

Од того часу уцагла ше сумня до його души. Га, ту зме. Ту початок.

Од того часу оставал вон вельо вечари задумани. Га кед нет пекла нет ані неба; а кед би не було ані неба ані пекла, те ди би не було, ані — Бога, так предумовал Янко.

Спочатку лєм двоєл, але вецка вше баржей спадал до тей цми. Не питал ше своїм старшим, не робел того цо найглавнейше — не модлєл ше. Вон судзел по своей главі. Як бул у заведенію, ходзел до церкви, але лєм зато, же мушел.

ані не дума, же мож дацо заробиц. Дзе нет просвити, там цма, там шницко препада и загиба. — Учме ше од других людзох! (Пр.)

### Жертва празновирія

У валалє Мрозов у Польскей ошалєла єдна жена, сцекала по вонка и кричала: ратуїце ме, ратуїце, бо нечисти дух ме опшєднул! — Непросвищені народ думал, же хтошка єї мушел наврацац и треба погледац тоту „босорку“. Дораз влапели 70 рочну бабу на мєно Войтисячки, вицагли ю зос хижі и сцели єї шекеру одрубац главу. Старши людзе то не допуцели а народ вєц зос видлами примушовал бабу, да виздрави хору. Чєжко ранету бабу полицає лєдво спашели.

### Тарговски уговор з Немецку

Мєдзи нашу державу и Немецку подписани тарговски уговор, котри будзе од велькей важности за обидва держави. Уговор ма приїсц пред парламент нмецки и наш. Але уж скорей як то будзе давни одредби уговору, котри ше одноша на наш извоз буду прєглашени по министеріи обвязковима.

### Комунисти у Грєческой

Большевицки агитаторє прєнєсли свойо сєдище з Бєйчу до Солуну. При слїдующих державних виберанкох предстої велька опасносц особєно у грєцкей Македонії, да комунисти достаню векшину. Граждански партії примушени су

Споведал ше, кед мушел, кед го нагнали.

Учиц ше му не дало. Дзєнь на дзєнь предумовал и робел таке, цо би други ані не подумали. Ходзел до карчмох лєм кед мог сєкнуц спод надзору, читал не добру кнїшки и послєдица шницкого єто тот, же є у заведенію остатні вечар. Влапели го, двараз, трираз, у недобрим. Опоминанє не хасновало, и тераз єто муши висц. Муши висц, до билого швета, бо дому не може.

Ище тот остатні вечар є ту мєдзи пайташами, а наютре дзе будзе, ані сам незнал.

Кед вибивала церковна година полноц, задримал Янко над столом.

(далей будзе)

удружнї ше. У самим главним варошу Атини уписали ше коло 20.000 гласачох комунистох.

### Страх од Немцох

Французи поцагли свойо войско зос окупираних крайох на рики Райни. Француски новини дзєвигли прето вельку лярму и влада ше озбильно злєкнула та почала при цалєй граніци гу Немецкей будовац вєсни утвєрженія.

### Згорел румунски театр

Найвєкши румунски театр у Букурєшту тих дньох до темєлю згорел. Чкода ше рахує на 50 мільони лєї.

### Зос крилатицу коло швета

У америцким варошу Детроит надумал познати крилатичар, Брок же вон зос крилатицу обидзе цалу кулю жєми. Вон започал лєщиц зос НьюЙорку, до Лондону, Штїтгарту, Бєоград, Индія, Китаї, Токіо, Сан Франциско и вєц заш назад до НьюЙорку. — Його лєценє будзе перше обиходзєне з крилатицу около швета.

### Православна руска церква и большевици

Православна церква у Русії распадла ше на вєцєй части. Зос большевиками тримала так волана „Жива Церква“ а процив большевицох виступели Тихоновци т. в. прихильници покойного патріярхи Тихона. Вони ше и указували як єдини бранителє православія Мєдзїтим тих дньох до

годзєло ше цошкаль, цо зачудовало цали швет. Глава православних Тихоновцох Митрополит Сергий виявел, же вон признава комунистичну владу як закониту и поволує шницких Русіянох у Русії и индзєй, да и вони то исто зрєбя, и хто не припозна вєшкайшу большевицку владу як закониту, будзе виключени зос Церкви. Посланиє подписали крєм Сергия ище и 5 архієпископи и 1 єпископ. И так ше указило, же православна Церква не доросла до борби, же то не тота церква за котру гварєл Христ; же ю дзєвери пєкла не надвлацаю. Тота церква лєм у Риме.

### Конгрєс народних меньшинох

Прєшлого тижна окончєл ше у Жєнєви конгрєс народних меньшинох цалого швета. Предсидатель конгрєсу бул югославянски посланик у талийским парламенту Др. Вилфан. Руско-українски народ заступовали двоє делегати: Черковский и Левіцький.

### Помоц на старосц

Влада у Канади принєсла закон, по котрим шницки особи цо наворачали 70 роки житія, а не маю ніякого добра доставаю державну помоц 240 долари рочнє.

### Англія ше готує на войну

Америцки новини доношю, же англійски генерални штаб ма уж готови плани за войну зос Русію. По тим плану война ше започне зос Индії. Там уж ма приїсц англійски вєсни министр.

## Зос наших валалох

### Дюрдьов

У 50 року свойого живота умар у нашим валалє чесни брат Емил Губаш мїл, колєсар. Покойни ше одликовал барз красним поведєнем, благеї нарави и добрих обичаїох. Бул опіце почитовани у цалим валалє як од Руснацох так и од Сербох. Охабєл за собу числену фамелию. Поховали зме го на сам празник Прєображенія при велькей учасци народу. Вичная памят!

### Р. Керестур

Дня 4 сєптембра в недзєлю Прєосвящені владика Діонізій пошвєци богослова п. Якіма Сєгєдія за священника. Першу свою службу Божу одслужи млади священник дня 18. сєптембра у парохіялней церкви у Руским Керестуру. Младомє необрєю сердєчно винчуєме и витамє го як працюєника за Бога и руски народ!

## На знанє!

Соопщуєме нашим п. п. управительом школох, же Министерія Просвити одобрила нашу Читанку. Одлука глашїи: Министерство Просвете Краљєвине Срба Хрвата и Словєнаца, Одељєнє за Основну Наставу. О. Н. Бр. 45090. од 5. VIII. 1927. год. у Бєограду.

Руском Народном Просветном Друштву

Руски Крстур  
Бачка

Господин Министер Просвете, одлуком своєм од 26. VIII. 1927. год. О. Н. Бр. 45090, на основу мишљєња Главног Просветног Савєта, донєтог на 1553 редовном састанку од 8. VIII. 1927. год. С. Бр. 403, одлучио је, да се до коначне рєвизије уцбєника, могу употре-



блாவати читанке за III. и IV. разред русинских основних школа од госп. А. Поливке учит. у Руском Крстуру, које су одлуком О. Н. Бр. 695:8. III. од 14. VII. 1926. године биле одобрене само до 1927. године.

Предња Вам се одлука до-

ставља ради знања и управљања.

По наредби Начелника Одељења за Основ. Наставу и Народно Просвећивање.

Референт

М. Симоновић.

## Шестри Служебници

У нашеј Епархији шестри служебници до тераз су лем у Куцури: Од тога року маю буц шестри и у Руским Керестуре.

Шестри Служебници су барз потребни у валале. Еден примир нај то потвердзи. Оцец, мац муша исц на польо до работи, а маю двојо-тројо мали дзеци. На кого их охабя? Кед вежню зос собу на польо, брига, кед охабя дома, ище векша брига, бо кельо раз уж ше трафело, же пре таки малки дзеци, цо остали дома без допатрунку. пошло цале обисце з димом. А кед су шестри у валале, а ти својо дзеци гу шестром одвели, чи однесли и ни бриге цали дзень, а у шестрох сигурно дзедом лепше як при оцови мацери.

Шестри науча дзедоцх вельо доброга. Родителє — земледілци и не маю кеди а и не знаю так научиц дзеци, як шестри. У валалох, дзе су длуго шестри, дзеци добри, слушаю својих родителюх, поштују старших, до Церкви ходза, шорово ше справую. Младеж до карчми не ходзи на забави, але зато ходзи в недзелю, швето до Церкви на Службу, вец на катакиз. Легине, дзивчата, хтори, як дзеци були при шестрох, најлепше свој младенически и дівически стан провадза, а вец у стану супружеским су примирни, добри, на приклад шицким

Вельо людзе ше питаю, нач шестри. Чом ше не питаце, нач

16 карчми у валале. 16 карчми то страха, ту ше троша през рок езри, сотки езрох, ту ше упрепасую газдѡвства, ту фамелиї сходза до велького худобства пре пиянство човека оца, мужа. У карчмох не лем же ше роби грех неумерености — пиянства, але и други грехи, вшеліяки звади, гнів, ненависц, вимста.

Гоч у карчмох тельо злого ше дїе, ніхто не пове, нач нам карчми, карчмох нам не треба, але кед увидза шестри у валале, хтори приходза на помоц родителюм, на помоц дзедом, да помогню, да тоти невини дзеци, цо самовольно бегаю по драже у праху, у блату, у гаду, да їх позбераю, да їх умно, да їм даю красну забаву, да їх науча шицкоме цо красне, питаю ше, па нач вони ту приходза, цо буду робиц, з чого буду жиц. По других крайох, по других валалох, шестром вимуровали доми, — при дому капличку, зос добровольних приносох, зос дароцх — милостини. То знак, же знаю вредности шестрох, же знаю, же шестри на вельки хасен валалу.

Ми ше наздаваме, же так будзе у других валалох за тераз у Керестуре, же кед приду шицки штири шестри, же зос свою побожносцу, пильносцу, зос любовию гу людзом, зос помоцу людзом у вихованю дзедоцх, зос свою смиреносцу укажу людзом, же су добри, вредни, а вец народ їх заволи, полюби.

К.

## Шветочни Отпочивок

Недз. 11 по Сош.

МАТӨ. ГЛ. 19. ЗАЧ. 89.

Во время оно, юноша нѣкій приступи ко Иисусу, кланяяся ему, и глаголя: учителю, благий, что благо сотворю, да имамъ животъ вѣчный. Онъ же рече ему: что мя глаголеши блага, никтоже благъ, токмо единъ Бог, аще ли хочещи внити въ животъ, соблюди заповѣди. Глагола ему: кыя, Иисусъ же рече: еже не убїеши, не прелюбы сотвориши, не украдеши, не лжесвидѣтельствуеши, чти отца и матеръ и возлюбиши искренняго твоего яко самъ себе. Глаголя ему юноша: вся сїя сохранихъ отъ юности моея: что есмь еще не докончалъ; Рече ему Иисусъ: аще хочещи

совершенъ быти, иди, продаждь имѣніе твое, и даждь нищим; и имѣти имаши сокровище на небеси: и гряди въ слѣдъ мене. Слышавъ же юноша слово, отиде скорбя, бѣ бо имѣя стяжанія многа. Иисусъ же рече ученикомъ своимъ: аминь глаголю вамъ, яко неудобъ богатый внидетъ въ царствїе небесное. Паки же глаголю вамъ: удобѣе есть велбуду сквозѣ иглины уши пройти, неже богату въ царствїе божїе внити. Слышавше же ученицы его, дивляхуся сѣло, глаголюще: кто убо можетъ спасенъ быти. Возрѣвъ же Иисусъ рече имъ: у чловѣкъ сїе невозможно есть, у Бога же вся возможна.

Чи наисце постої тот живот

вични, цо го юноша питал од Исуса, и цо го гледаю за нїм безчислени милиони души, ме дзи котрима ше и ми находзиме модляци: „Чзю воскресения мертвих и жизни будущаго века. Аминь? Ест, воистину, живот вични, так як ест Бог на небе, як гвизди на небе, як людзох на жеми. Кед би живота вичного не було, — не булоби, ані Бога, а нї ми не могли би жиц на тим швецѣ, бо на другим живоце темелї ше терашнї живот.

Же нас чека плаца на другим швецѣ, то нам доказуе:

I. Нашо шерцо. Закоренета е жагда у шерцу каждого човека, же сче буц ищелїве, задовольне, блажене. На тим швецѣ не може засициц тоту жажду ніхто. Шицки сладосци того швета охабяю у нас праздноту. Не мирне е шерцо наше до остатней годзини нашого живота. Кеди даклем ше ма виполнїц жадане наших шерцох, кед ше ту не може? То може буц лем на другим швецѣ, дзе Г. Бог да каждому по його заслуги. Други швет даклем муши буц, бо то захтева Божя святосц, доброты и праведносц.

II. Нашо шерцо ма жажду и за правду. Каждый сче знац правду на тим швецѣ, да ше зна чого тримац и як жиц. Па видзиме, же человек так мало може спознац на тим швецѣ, и вше ше лем верци и круци у вшеліяких заблудох и пред очами му якош неясне, но цемне. Чи годзен дараз дойц и спознац правду? За певно, же треба да до ней дойдзе, кед му Бог дал тоту жажду. А то будзе на другим швецѣ.

III. Ище баржей як шесце и правду жада наше шерцо справедливосц. А видзиме, же на тим швецѣ, мало ей ест.

На каждом крочаю чека нас спревоцка. Чи ше раз даклем дочекаю людзе, да увидза, же ше каждому уйдзе по справедливосци. Плаца и кара посцигне каждого аж на другим швецѣ.

IV. Же так будзе, то ошведоченє цалого роду чловеческого.

Нет такого дзивого народу, котри би не знал за други живот, дзе човека чека, або вична радосц, або вична кара: Нови Ерусалим, або ад!

V. Наїбизовнейши доказ за опстойносц другого швета ест Слово Божє. Стари и Нови завит полни науки, же нас чека живот вични.

Исус на крижу умераюци обецує разбойнику рай: „Днес будеши самном во раю“.

Старайме ше даклем и ми, да себе приобриме живот вични и то блажени. Исус Христос бул на другим швецѣ и зишол гу нам и повед нам, як там. Мария М. Б. указала ше нам безчислено раз и поволала нас на тот красни живот. С соблюди даклем божї закон и приобриш себе живот вични.

М. Мудри.

## Нашо претплатнїци

На 1927. рок уплацели предплату слїдуоци п. п. Йоан Штефанко млади Коцур 100 дин. Янко Коциш Коцур 100 дин. Янко Кишюгас Коцур 100 дин. Йовген Дудаш Дюрдьов 100 дин. и 50 дин. дар. Бартол Дїдко фризер Шид 100 д. Янко Надь, Клеваланд 220 дин., Йоан Чизмар, Клеваланд 224 дин. Богумил Контра Ст. Вербас 50 дин. Симунович Денчи Петровци 50 дин. Мафтей Винай судия Р. Керестур 100 дин. Михаил Бурчак Петровци 100 дин.

## Тарговина

Жито	295.— Д
Кукурица	205.— "
Хмель	10—11.000 "
Мука нулерова	435.— "
" хлєбова	400.— "
Млеко литра	3—4.— "
Качки	35—60.— "
Гуски клюкани кг.	65—90.— "
Говедзина	16—20.— "
Швиньске месо	20—22.— "
Целечина	28—30.— "
Сланїна сушена	22—25.— "

Оглашуйце до

„Руских Новонох“

### Предавам

дзешац ютра ораче жеми, најлепша у Миклушевским хотаре и томе хижа з дутяном, карчму трафику и месарнї Шицко без конкуреици и зос шицкими правам

Пенежи не треба дораз.

### ДЮРА БЕСЕРМИН

МИКЛУШЕВЦ

2—3

